

Эфесчилерге 6:10-18

10 Адак сөөлүнде чугаалап каайн: Дээрги-Чаяакчыга башкарткаш, Оон өндүр улуг күчү-күжү-бile бодуңарны быжыглаңар.

11 Бурганның берген бүрүн чепсек-херекселин кедип алыңар, эрликтин хамык кара сагыжынга удур ынчан туржуп шыдаар сiler.

12 Чүгэ дээргэ бис эът-бот биле хандан бүткен улуска удур эвес, а эргечагырга ээлеринге, бистин амыдыраан дүмбей үевисте тергиидээн каптагайның чагырыкчыларынга база дээрлерде кара күштерге удур демисежип тураг-дыр бис.

13 Ынчангаш бузут тергидээр хүн кээрge, оларга удур туржур шаг-шинектиг бооп, шупту халдаашкыннарны ойтур шаап, тура тутчур дээш, Бурганның чепсек-херекселин кедип алыңар.

14 Чаныш-сыныш чок туржуңар! Алыс шынны чыыра куржангаш, чөптүгшынныг чоруктуң күяк хевин кедип алыңар.

15 Амыр-тайбың дугайында Буюнныг Медээни суртаалдаарынга белениңер – бутка кедер идииңер болзун.

16 А ол бүгүден аңгыда, бүзүрелдин дозуг-камгалалын тудуп алыңар – оон-бile бузуттуг эрликтин хамык оттуг согуннарын дозуп шыдаар сiler.

17 Камгалалды – күяк бөрттү дег, а Бурганның сөзүн – Сүлдениң сilerге бээр хылышын дег хүлээп алыңар.

18 Мөргүлдүң бүгү хевирлери-бile мөргүңер. Кандыг-даа үеде Бургандан дилег кылыш, Сүлдеге башкарткаш, мөргүңер. А ындыг болганда, серемчилендиг бооп, Бурганның бүгү улузу дээш, чүткүлдүү-бile мөргүңер.

- 1 Дээди Өрүкү Бурганның чаглааның адаанда чурттап турар болзуңза, Күчүлүг Бурганның хөлегезинде дыштанып турар болзуңза,
 - 2 Дээрги-Чаяакчыга: «Бурганым, Сен мээн хоргадалым сен, бýжыг шивээм сен, мен Сенээ идегээр мен» – деп чугаалаар сен.
 - 3 Ол сени аңчының дузаандан чайладып, өлүмнүг аарыгдан камгалаар,
 - 4 Бодунуң чалғыннары-бile шуглап аар, Ооң чүглериниң адаанга чаштына бээр сен; Ооң шынчы чоруу сенээ камгалалдың күяк хеви дег болур.
 - 5 Дүнэ – коргунчуг айыылдардан, хүндүс – ужуп чоруур согундан кортпас сен.
 - 6 Дүмбей караңгыда кеденгирлээн халдавырлыг аарыгдан, дал дүштэ алгаш баар хамчык аарыгдан кортпас сен.
 - 7 Мун кижи сээн чаныңга, түмен кижи он талаңга кырлып каар-даа болза, сенче ол бүгү аарыг-човалаң халдавас.
 - 8 Чүгле иии караң-бile көөр сен – бузуттугларның кеземче алганын көөр сен.
 - 9 «Дээрги-Чаяакчы – мээн хоргадалым» – деп чугаалаан болгай сен, Дээди Өрүкүнү бодунга шивээ кылдыр шилип алган болгай сен.
 - 10 Бак чүве сенээ хора чедирбес, айыыл-халап сээн аал-ораныңче чоокшулавас.
 - 11 Ол сени шупту оруктарыңга камгалаар кылдыр Бодунуң төлээлеринге чагып каар,
 - 12 олар сени, будун дашка тептикпезин дээш, холдары-бile көдүрүп аарлар.
 - 13 Араатан биле чыланны базар сен, арзылаң биле хоран дылдыг чыланны таптаар сен.
 - 14 Бурган мынча дээн: «Ол кижи менээ ынак-тыр, ынчангаш ону кадагалаар мен;
- ол Мээн адымны хүндүлеп билип алган боорга, ону айыылдан адырар мен.

15 Мени кый дээрge, аңaa харыылаар мен; ол айыыл-халапка алзып аарга, оон чанынга турар мен, ону камгалап, алдаржыдар мен.

16 Узун назынны аңaa пөктүр хайырлап, камгалалымны көргүзер мен».

Ыңдыктыг 17

2 Дээрги-Чаяакчы, мээн күчү-күжүм сен, Сенәэ ынак-тыр мен!

3 Дээрги-Чаяакчы – мээн быжыг шивээм, хоргадалым, камгалалым.

Мээн Бурганым – чалым-хаям. Ол – дозуг-камгалалым, мени камгалап турар күчү-күш, мээн чаглаам.

4 Макталга төлептиг Дээрги-Чаяакчыдан дуза дилеп кый деп, дайзыннарымдан камгалалды алыр мен.

5 Өлүмнүң четкилери мени ораап алган, өлүмнүг айыыл эккээр суглар мени сүртеткен;

6 алдыы оранның кинчилери мени бектеп алган, өлүмнүң дузаа мурнумда салдынган.

7 Кызагдалга альскаш, Дээрги-Чаяакчыдан дуза дилеп кый дидим, мээн Бурганымдан дуза дилеп алгырдым. Ол Бодунун өргээзинден мээн үнүмнү дыңрап кагды, дилег-кыйгым Оон мурнунга чеде берди.

8 Чөр шимчеп, сирилээн, даглар дөжээнге чедир божаңнаан – Дээрги-Чаяакчының килеңинден сирилеш дээн.

9 Ол киленәэрge, думчуундан – ыш, аксындан – өрттендир чиир чалынныг от аттыгып үнүп, изиг көстер кызаңайндыр хып турган.

10 Ол кудай-дээрни ээктир тырткаш, дүжүп келген, кара булут кырынга буттарын салып алган.

11 Дээрги-Чаяакчы херувимни мунупкаш, хатты чалғын кылгаш, кылыйтыр ужуп чорупкан.

12 Ол дүмбей караңғыны шугланып, дээрде чаьстыг кара булуттарже чаштып кире берген.

- 13 Дээрги-Чаяакчының мурнунга чырык чайынналып, долу биле чаңыктарын чашкан булуттар көжүп турган.
- 14 Дээрги-Чаяакчы кудай-дээрge динмиттиг динмирээн – Дээди Өрүкүнүн үнү, долу биле чаңыктар чажып, чыжыраан.
- 15 Ол согуннарын салып, дайзыннарын тарай сывырыпкан, эмгежок чаңыктарын дүжүрүп, оларны девидедипкен.
- 16 Дээрги-Чаяакчы, Сээн түрлүг үнүндөн, Сээн эзиннээн тыныжындан далай-суглар дүвү көстүп, сыйгап, өртемчей өзээнгө чедир ажыттынып келген.
- 17 Бурган бедик дээрден ээkkеш, мени сегирип алгаш, терең ээрем суглардан ушта тыртып каан;
- 18 Ол мени күчү-күштүг дайзындан, күш-шыдалы менден ажыг ёжээтеннерден камгалап каан.
- 19 Дайзыннарым менче айыыл-халапка алысканым хүнде халдап келген, а Дээрги-Чаяакчы меңээ чөлөнгииш болган.
- 20 Ол мени шөлээн черже үндүрүп, камгалап каан – чүгэ дээргэ мен Оон сеткилингэ кирген болган мен.
- 21 Дээрги-Чаяакчы чөптүүм дээш менээ ачы-буян көргүскен, холдарым арыы дээш мени шаңнаан.
- 22 Мен Дээрги-Чаяакчының оруктарындан соора барбаан мен, Бурганымның мурнунга бузутче чайылбаан мен;
- 23 Оон бүгү айтышкыннарын эдерип чоруур мен, Оон дүрүм-хойилулярындан ойталаваан мен.
- 24 Мен Оон мурнунга кем-буруу чок мен, бачыт үүлгетпес дээш кичээнип чор мен;
- 25 Дээрги-Чаяакчы мээн чөптүүм көргеш, Оон мурнунга холдарымның арыын көргеш, мени шаңнаан.
- 26 Сеңээ шынчы улуска Сен база шынчы сен, ак сеткилдиг кижиге ак сеткилдиг сен;

- 27 арыг улуска арыг сен, а бузуттүг улуска хамаарылган багай;
- 28 биче сеткилдиг улусту камгалап турар сен, а адыыргак улусту куду көрүп турар сен.
- 29 Дээрги-Чаяакчы, чырыткымны кыпсып турар сен, дүмбей өттүр менәэ чырыдып турар сен, Бурганым Дээрги-Чаяакчы.
- 30 Сээн ачында аг-шеригни базып каар мен, Бурганым ачызында шивээлер ханаларын ажа халыыр мен.
- 31 Бурган! – Оон оруу болбаазыраңгай, Дээрги-Чаяакчының сөзү арыг шынчы; Оон хоргадал алган бүгү улуска Ол – дозуг-камгалал.
- 32 Дээрги-Чаяакчыдан өске, Бурган кымыл; Бурганывыстан өске, чалымхая бар бе?
- 33 Бурган күш-шыдалды мээн шыңганнарымга сицирип, ак орукту менәэ айтып берип турар;
- 34 буттарымны сыйинны дег кылып, мени бедиктерже үндүрүп турар;
- 35 холдарымны чаа-дайынга өөредип турар, хүлөр чаны хере тыртыптар күштүг мен.
- 36 Сен менәэ Бодуңун дозуг-камгалалыңны тутсуп берген сен, ушпазын дээш, мени холун-бile туткан сен, Сээн деткимчең мени өндүр улуг кижи кылып турар.
- 37 Сен мээн оруумдан доктар-моондакты чайладып, балдырларымны сирилевес быжыг кылып каан сен.
- 38 Дайзыннарымны истеп-сүргеш, чыпшыр чедер мен, оларны узуткап кагбаан шаамда, дедир эгбес мен.
- 39 Оларны чыттыр шаварымга, олчаан туруп шыдавастар – буттарым адаанга калырлар.
- 40 Сен дайын чорудар күш-шыдалды шыңганнарымга сицирдин, менче халдап келгеннерни мээн буттарым адаанга салып тур сен.
- 41 Дайзыннарымның ооргазын менәэ көргүзүп, дезеринче албадаптын, өжээтеннеримни узуткап кагдым.

- 42 Олар алгырып турду, ынчалза-даа камгалакчызы чок-тур; Дээрги-Чаяакчыдан дуза дилээрge, оларга харыы бербес-тир.
- 43 Оларны, хатка бөөлдеткен довурак дег, тарадыр эстедиптер мен, кудумчуда малгаш дег, таптай базып кааптар мен!
- 44 Сен мени чонумнуң үймээнинден камгаладың, аймак-чоннарның бажынга олуртуп кагдың; безин билбес турганым чон ам меңээ бараан болуп турар;
- 45 олар мээн дугайымда дыңнап кааш, дораан-на чагыртты, өске чер чурттуглар менээ чашпаалап турар.
- 46 Өске черлер улузунуң сузу бастынып, шивээлеринден сиринейнип үнүп турду.
- 47 Дээрги-Чаяакчы дириг! Мээн чөлөнгииш-хаямга алдар! Мени камгалап турар Бурган кымдан-даа арттыр мактатсын!
- 48 Ол – мен дээш өжээн негээр, чоннарны менээ чагыртып турар,
- 49 дайзыннарымдан мени камгалап турар Бурган-дыр. Мени Сен менээ удурланган улустан бедидир көдүрүп, каржы-дошкун кижиden камгалап турар сен.
- 50 Ол дээш, Сени өске чоннар мурнунга алдаржыдар мен, Дээрги-Чаяакчы, Сээн адынны алгап ырлаар мен.
- 51 Дээрги-Чаяакчы шилип алган хаанынга өндүр улуг тиилелгелерни шаңнап турар, Ол Давидке болгаш ооң үре-салгалынга кезээ мөнгеде энерелдиг!

Pastor T. John Franklin
Church of Salvation, Healing, and Deliverance
COS-HAD.org